

四庫全書

經部

欽定四庫全書

六家詩名物疏卷四十五 明 馮復京 撰

小雅魚藻之什

魚藻篇

鷄

郡縣志周武王宮即鷄京也在京兆府長安縣西北十八里自漢武帝穿昆明池於此鷄京遺址淪陷焉○括地志滻水源出長安縣西北滻池北流入渭○盟會圖

云豐鎬相去二十五里○一統志鎬水在陝西西安府城西北十八里上承鎬池下流合瀦池水鎬京城在咸

陽縣西南

采菽篇

黼

賈氏曰黼謂黑白為形則斧文

詳見九章袞衣

檻泉

爾雅云濫泉正出正出涌出也李巡曰水泉從下上出

曰涌泉○釋名云水正出曰檻泉濫衝也如人口有所
衝口開則見

芹

爾雅云芹楚葵注今水中芹菜○本艸水芹味甘平主
養精保血脉益氣令人肥健嗜食一名水英陶隱居云
二三月作英時可作菹及熟燶食之又有渣芹可生歠
別本注云芹有兩種青芹取根白色赤芹取莖葉並堪
作菹圖經云生水中葉似芎藭花白色而無實根亦白

色○孟詵云水芹置酒漿中香美高田者名白芹○周禮醯人云加豆之實芹菹免醢○呂氏春秋伊尹曰菜之美者雲夢之芹○埤雅云芹潔白而有節其氣芬芳而味不如蓴美故列予以為客有獻芹者鄉豪取而嘗之蜇口慘腹

邪幅

傳云幅幅也所以自幅束也箋云如今行縢幅束其脰自足至膝疏云邪纏于足謂之邪幅○釋名云幅今謂

之行縢言以裹脚可以跳騰輕便也○左傳云帶裳幅
舄昭其度也○內則子事父母有幅

綿

釋水云綿纓維之綿縷也縞縷也孫炎曰縷大索也李
巡曰縷竹為索所以維持舟者郭璞曰縷繫也

角弓篇

爵

周禮太宰以八柄詔王馭羣臣一曰爵以馭其貴二曰

祿以馭其富大宗伯以九儀之命正邦國之位壹命受職再命受服三命受位四命受器五命賜則六命賜官七命賜國八命作牧九命作伯司士以德詔爵以功詔祿以能詔事以久奠食○禮記云天子三公九卿二十七大夫八十一元士大國三卿皆命於天子下大夫五人上士二十七人次國三卿二卿命於天子一卿命於其君下大夫五人上士二十七人小國二卿皆命於其君下大夫五人上士二十七人又云司馬辨論官材論

進士之賢者以告于王而定其論論定然後官之任官
然後爵之位定然後祿之○禮含文嘉云殷爵三等周
爵五等

猱

爾雅云猱緩善援玃父善顧注云猱緩便攀援玃父玃
玃也似獮猴而大色蒼黑能攫持人好顧盼○說文云
玃貪獸也一曰母猴似人○陸璣云猱獮猴也楚人謂
之沐猴老者為玃長臂者為援玃之白腰者為衡胡衡

胡猿駿捷於獮猴其鳴噭噭而悲○廣雅云猱狙獮猴也○顏師古云猱善拂拭○相如賦蛭蜩玃猱顏注今狨皮為鞍褥者非獮猴也○陸佃云狨蓋猿狹之屬輕捷善緣木大小類猿長尾尾作金色俗謂之金線狨生川峽深山中人以藥矢射殺之取其尾為卧褥鞍被坐毡中矢毒即自齧斷其尾以擲之狨一名猱顏氏以為其尾柔長可藉故其制字從柔以此故也○嚴粲云猱即王孫也杜詩覓胡孫是也○元康地記云猿與獮猴

不共山宿臨旦相呼○王延壽王孫賦云儲糧食於兩頰稍委輸於胃脾緣百仞之高木攀窈窕之長枝○柳子厚云猿王孫居異山德異性不能相容猿之德靜以恒王孫之德躁以囂勃諍號呶雖羣不相善也食相噏齧行無列飲無序乖離而不思有難推其柔弱者以免好踐稼蔬所遇狼籍披攘禾實未熟輒齕敵投注山之小艸木必凌挫折撓○江乘地記云攝山有山猿赤足○鳥獸考云猴詩謂之祿性躁而多智

按猱字說文作�今文作猱或作獮又作蠻猱屬陸
璣云獮猴也嚴粲云即王孫也據元康地記云猱與
獮猴不共山宿與柳子厚說援王孫居異山相符王
延壽云儲食兩頰爾雅翼釋猴亦有此說則猱信為
猴矣而師古及陸羅二氏俱以猱猴為異物故埤雅
以猱為磼而別見猴今吳俗指猴為猱亦謂之胡孫
既已混甚都不聞猱與王孫之名未知異同

附

箋云附木桴也疏云木表之麤皮

髦

箋云髦西夷別名武王伐紂其等有八國從焉○牧誓及庸蜀羌髳微盧彭濮人○括地志姚府以南古髦國之地有髦州○一統志雲南楚雄府定遠縣唐初置西濮州貞觀中改髦州姚安軍民府大姚縣唐屬髦州

都人士篇

緇撮

儀禮緇布冠缺項青組纓屬於缺注缺讀如頰緇布冠無笄者著頰圍髮際結項中隅為四綴以固冠也項中有纓亦由固頰為之耳今未冠笄者著卷幘頰象之所生也又云賓筵前正纓右手執項左手執前○郊特牲曰大古冠布齊則緇之其縷也孔子曰吾未之前聞也冠而敝之可也玉藻曰始冠緇布冠諸侯下達緇布冠續縷諸侯之冠也雜記大白緇布冠不縷又曰大夫卜宅與葬日緇布冠不縷○陳氏云緇布冠有前有項纓

屬於缺無綾後世以尊者不可無飾故加續綾用於始
冠及大夫之卜宅與葬日而已庶人或以為常服用於
始冠則玄端玄裳黃裳雜裳緇帶爵韞用于卜宅與葬
日則有司麻衣布衰布帶因喪屢若庶人則深衣焉庶
人雖服委貌而儉者服緇布謂之緇撮則無染矣

吉

左傳鄭石癸曰吾聞姬姞耦其子孫必蕃姞吉人也后
稷之元妃也○國名記云郊黃帝之宗見詩風俗通云

殷時侯國一作吉潛夫論云郅與姞全而字異○唐宰相世系云吉氏出自姞姓黃帝裔伯儻封於南燕賜姓曰姞

厲

箋云鞶必垂厲為飾厲字當作裂○內則男鞶革女鞶絲注云鞶小囊盛帨巾者男用韋女用繒有飾緣之則是鞶厲與詩云垂帶如厲疏云此是鄭義若如服杜左傳鞶厲注則以鞶為大帶厲是大帶之垂者○小爾雅

云帶之垂者謂之厲

蠶

詩義疏云蠶一名杜白河內謂之蚊幽州謂之蠍○通俗文云長尾為蠶短尾為蠍○左傳云螽蠶有毒○葛洪方云蠍中國多此江南無也○陶隱居云蠍有雌雄雄者螫人痛止在一處雌者痛牽諸處○段柯古云亂負巨者多化為蠍子多負于背蠍前謂之蟄後謂之蠶常為蝸牛所食以迹規之不能去○雅翼云說文蠶

字象形蓋象其奮蟄曳尾之形蜥蜴能食之

采綠篇

藍

爾雅云歲馬藍郭云今大葉冬藍也疏云今為漬者是
○夏小正曰五月啓灌藍蓼啓者別也陶而疏之也灌者
叢生者也記時也○禮記云仲夏令民毋艾藍以染注
云為傷長氣也此月藍始可別○蘇恭云藍實有三種
一種圍徑三寸許厚三四分出嶺南名木藍子菘藍堪

功為澣本艸經所用乃是蓼藍實其苗似蓼而味不辛者菘藍惟堪染青蓼藍不堪為澣惟作碧色○圖經云藍實人家蔬圃中作畦種蒔三四月生苗高三二尺葉似水蓼花紅白色實亦若蓼子而大黑色五六月採實即蓼藍也菘藍即爾雅所謂馬藍又福州有一種馬藍四時俱有江寧有吳藍二三月生如蒿葉青花白○荀子云青出於藍而青於藍○四民月令榆莢落時可種藍五月可刈藍六月可種冬藍○齊民要術云種藍一

同葵法藍三葉澆之薅治令淨五月中新雨後即杖裁
之

襪

爾雅云衣蔽前謂之襪郭璞云今蔽膝

黍苗篇

輦互見車攻徒

說文輶車也从車軎在車前引之也軎音伴並行也从
兩夫○漢書注駕人以行曰輶

謝詳見王風申

水經注云汎水又西南流謝水注之出謝城北○國語
注鄭南謝北號鄆在焉

白華篇

白華詳見陳風管

爾雅云白華野菅

澆池

水經注鄗水又北流西北注與澆池合水出鄗池西而

北流入于鄗世傳以為水名○九域志京兆府冰池按
十道志名澁池亦名聖女泉○一統志鄗水下流合澁
池水澁水在西安府城西北二十里發源咸陽縣之澁
池西北合鴻水

燧

爾雅云燧燧也郭璞曰今之三隅竈○說文曰行竈也
○孔氏曰燧者無釜之竈止以燃火照物若今火爐

鶩

埤雅云鳬雁醜翁鶩鶴醜鶩鶩性貪惡俗呼禿鶩長頸赤目其毛辟水毒劉楨賦云綠鸚葱鶩鶩色蓋青也○古今注云扶老禿鶩也狀如鶩而大大者高八尺善與人鬪好啖蛇○禽經云扶老強力注食之益人氣力走及奔馬○魏書崔光云貪惡之鳥野澤所有

石

傳云王乘車履石○夏官隸僕云王行則洗乘石先鄭云乘石所登上車之石也○禮書云乘石王與后乘車

於是升降也設于兩階

縣蠻篇

丘阿丘隅

傳云丘阿曲阿也○鄭注大學止于丘隅云鳥擇岑蔚安閒而止處之疏云岑謂巖險蔚謂艸木蔚蔚

漸漸之石篇

豕

爾雅云豕子豬穢穢弘幼奏者羆所寢槽四竊皆白核

其迹刻絕有力彘彘五尺為彘○方言云豬燕朝鮮謂之彘閩東西謂之彘或謂之豕南楚謂之彘其子謂之豚或謂彘吳揚之間謂之豬子○易睽上九曰見豕負塗大畜六五曰豶豕之牙吉姤初六曰羸豕孚蹢躅說卦曰坎為豕○禮記曲禮曰凡祭豕曰剛鬣豚曰腯肥又曰士無故不殺犬豕月令曰孟夏天子以彘嘗麥王制曰秋薦黍以豚○韓詩說云犬喜雪馬喜風豕喜雨○春秋說題辭曰斗星時散為彘四月生應天理○淮

南子云六九五十四四主時時主豕故豕四月而生○
山海經云貓豬大者肉至千斤豪豬狀如豚而白毛毛
大如筭而黑端○五行傳云聽之不聰則有豕禍○埋
雅云豕喜雨而躁白蹢又其躁者

蹢

傳云蹢蹢也○說文云住足也

波

說文云水涌流也

若之華篇

若

爾雅云若陵若黃華蕡白華爰郭璞曰一名陵時本艸
云疏云詩若之華鄭箋云陵若之華紫赤而繁陸璣亦
言其華紫色而此云黃白者蓋就紫色中有黃紫白紫
耳及其將落則全變為黃故詩曰芸其黃矣○陸璣云
一名鼠尾生下濕水中七八月中華紫似今紫艸可染
阜煮以沫髮即黑葉青如藍而多華○廣志曰若艸色

青黃紫華十一月稻下種之蔓延盛茂可以美田葉可食○本艸云紫葳一名陵苕一名爰華生西海川谷及山陽圖經云陵霄花也多生山中人家園圃亦或種蒔初作藤蔓生依大木歲久延引至巔而有華其華黃赤夏中乃盛○雅翼云此華亦彌絡石壁盛夏視之如錦繡不可仰望露滴目中有失明者

按陵苕即陵霄也故本艸云一名爰華與爾雅合陸璣疏則以為鼠尾爾雅云勁鼠尾注云可以染皀本

艸經云鼠尾艸有白華者赤華者一名勁一名陵翹
生平澤中四月採葉七月採華陶隱居云田野甚多
人採作滋染皀圖經云苗如蒿夏生莖端作四五穗
穗若車前與陸說生下濕七月花可染皀者相似則
陸誤以陵若為鼠尾矣又或以紫歲為瞿麥根瞿麥
即爾雅所謂大菊蘧麥亦非也陵若斷即女歲陸璣
疏全謬不可從

詳


爾雅云羊牡犮牝牂郭云謂吳羊○博雅云吳羊牝一歲曰牷牷三歲曰牂

何草不黃篇

棧車

傳云棧車役車也箋云輦者疏云有棧是車狀非士所乘之棧也庶人乘役車蟋蟀言役車其休是矣彼不以人輓知不與此同詩緝云疏說不分曉不如徑以為士之棧車○春官巾車云士乘棧車庶人乘役車注云棧

車不革輶而漆之役車方箱可載任器以共役○考工記云飾車欲侈棧車欲弇



六家詩名物疏卷四十五

欽定四庫全書

經部

六家詩名物疏卷四十六

詳校官監察御史臣沈孫璉
通政使司副使臣莫瞻菉覆勘

臣莫瞻菉覆勘

總校官中書臣朱鈴

校對官中書臣吳俊

謄錄監生臣鰲

圖

欽定四庫全書

六家詩名物疏卷四十六

明 馮復京 撰

大雅文王之什一

文王篇

商

鄭譜曰商者契所封之地孔氏曰湯取契之所封以為

代號○皇甫謐云在上洛商縣○括地志商州城八十

里商洛縣本商邑古之商國禹所封○補傳云地有商

山因是得名○一統志陝西西安府商縣在府城東南二百六十里本契始封地商洛山在縣東南九十里

殷

鄭氏曰湯始居毫之殷地孔氏曰殷是毫地之小別○書序云盤庚將治毫殷注商家改號曰殷○括地志云宋州穀熟縣西南三十五里南毫故城即南毫湯都也宋州北五十里大蒙城為景毫湯所盟地因景山為名河南偃師為西毫帝嚳及湯所都盤庚亦徙都之○黃

氏曰三毫南毫北毫毫殷也南毫今應天府穀熟縣北
毫拱州考城縣毫殷河南偃師縣○周氏曰商人稱殷
自盤庚始自此以前稱商自盤庚既都亳于是殷商兼
稱或單稱殷

按一統志河南開封府歸德州古之商丘相土所居
也穀熟縣省入本州之夏邑州城東南四十五里有
亳城即南亳也睢州考城縣宋屬拱州景山在其境
內商之北亳也河南府偃師縣契父營所都湯自商

丘遷焉後仲丁遷囂河亶甲居相祖乙居耿又遷于
邢書所謂不常厥邑于今五邦者也盤庚復涉河南
治毫改國號曰殷即西亳也古今言殷地皇甫謐張
守節蔡沈之徒皆以為即偃師王伯厚地里考引括
地志云相州安陽縣本盤庚所都即北家殷墟南去
朝歌城百四十里竹書紀年盤庚自奄遷北家曰殷
墟南去鄴四十里則又以今彰德府安陽縣為西亳
未詳孰是

裸將

周禮小宰祭祀贊王裸將之事注云將送也贊王酌鬱鬯之酒以獻尸謂之裸裸之言灌也明不為飲主以祭祀唯人道宗廟有裸天地大神至尊不裸莫稱焉凡鬱鬯受祭之啐之奠之又云凡賓客贊裸內宰后裸獻則贊凡賓客之裸獻皆贊大宗伯大賓客攝后載果小宗伯凡祭祀賓客以時將肆裸肆師祭祀賓客贊裸將鬱人凡裸事和鬱鬯司尊彝祠禴裸用鷄彝鳥彝嘗蒸裸

用舜彝黃彝追享朝享裸用虎彝雖彝行人諸公再裸而酢侯伯子男一裸而酢○禮器云諸侯相朝灌用鬱鬯郊特牲云周人尚臭灌用鬯臭既灌然後迎牲祭統曰君執圭瓚裸戶大宗執璋瓚亞裸又云獻之屬莫重于裸

导

冠禮記云周弁殷冔夏收注云冔名出于櫟櫟覆也言所以自覆飾也齊所服而祭也其制之異未聞疏云案

漢禮器制度弁冕周禮弁冕相參考之冕以木為體廣
八寸長尺六寸續麻三十升布為之上以玄下以纁前
後有旒尊卑各有差等但夏殷禮亡制與周異故云未
聞○禮記云有虞氏皇而祭夏后氏收而祭殷人皞而
祭周人冕而祭陳祥道云皇收而下皆冕也○世本云
胡曹作冕注云黃帝臣也蓋冕服起于黃帝加飾起自
唐虞○白虎通云殷皞謂之皞者十二月之時施氣受
化謂張而後得牙故謂之皞○論語疏云冕俛也以其

前高後下有俛仰之形故因名焉

大明篇

適

左傳云王后無嫡則擇立長年鈞以德德鈞以卜○公羊傳云立適以長不以賢○禮書云父服長子三年祖服適孫替以其傳重也

摯

周語摯疇之國由大任注云摯疇二國奚仲仲虺之後

大任之家○唐書世系表云祖已七世孫曰成徙國於
摯○國名記云蔡之平輿有摯亭○一統志云平輿故
城在河南汝寧府城東

任

國語司空季子云黃帝之子十二姓姬酉祁己滕歲任
荀僖姞儇依是也○玉海云仲虺居薛臣扈祖已皆其
胄裔

嬪

釋親云嬪婦也○書曰嬪于虞

京

箋云周國之地小別名

洽

地里志云左馮翊邵陽縣在邵水之陽○水經注云邵陽城南有灤水東流注于河水南猶有文母廟前有碑去城十五里水即邵水也縣取名焉○一統志陝西西安府同州邵陽縣在州城東北百二十里以在邵水之

陽故名邵水在邵陽縣來自西北經縣北東入黃河縣
東四十里有太姒墓

陽

穀梁傳云水北為陽水南為陰

嘉

朱傳云嘉婚禮也○周禮大宗伯以嘉禮親萬民以昏
冠之禮親成男女

文定厥祥

朱傳云言卜得吉而以納幣之禮定其祥○士昏禮云下達納采用雁請問名納吉用雁如納采禮納徵玄纁束帛儺皮如納吉禮請期如納徵禮記曰納吉曰吾子有貳命某加諸卜占曰吉使某也敢告納徵曰吾子有嘉命貳室某也某有先人之禮儺皮束帛使某也請納徵○周禮媒氏云凡嫁女娶妻入幣純帛無過五兩玉人云穀圭天子以聘女大璋諸侯以聘女○雜記云納幣一束東五兩兩五尋昏義云納采問名納吉納徵請

期皆主人筵几於廟拜迎於門外入揖讓而升聽命於廟○賈公彥云納幣士大夫以玄纁束帛天子加縠圭諸侯加大璋庶人用緇無纁○孔穎達云納幣昏禮謂之納徵

親迎

郊特牲曰親迎男先於女剛柔之義也執摯以相見敬章別也婿親御授綬親之也出乎大門而先男帥女女從男夫婦之義由此始也哀公問曰冕而親迎不已重

乎孔子曰合二姓之好以繼先聖之後以為天地宗廟
社稷之主君何謂已重乎昏義云父親醮子而命之迎
男先於女也子承命以迎主人筵几於廟而拜迎於門
外婿執雁入揖讓升堂再拜奠雁蓋受之於父母也降
出御婦車而婿授綬御輪三周先俟于門外婦至婿揖
婦以入共牢而食合巹而酳所以合體同尊卑以親之
也○昏禮記曰父醮子命之辭曰往迎爾相承我宗事
舅姑以敬先妣之嗣若則有常○禮書趙氏曰王者之

尊天下莫敵故嫁女則使諸侯主之適諸侯諸侯莫敵
有其室若屈萬乘之尊行親迎之禮則何莫敵之有乎
夫子對哀公云云非為天子發也左氏謂諸侯不親迎
公羊謂天子亦親迎其說不能全與經合當从趙氏為
正

造舟

釋水云天子造舟諸侯維舟大夫方舟士特舟庶人乘
游郭璞曰造舟比船為橋維舟維連四船方舟并兩船

特舟單船汎并木以渡○孔氏曰造舟者比船於水加板於上即今之浮橋故杜預云造舟為梁則河橋之謂也維舟以下則水上浮而行之但船有多少為等差耳○左傳疏云造為至義言船相至而並比

莘

世本云莘姒姓禹後○唐世系表啓封支子於莘○水經注云邵陽城故有莘邑大姒之國○國名記云今同之夏陽漢邵陽有太姒冢城祠廟昔散宜生求有莘氏

美女獻紂周代有神降之本號地大名之莘縣有莘亭
亦國也齊蔡管城陳留俱有莘○一統志莘城在西安
府邵陽縣南二十里本莘國

牧野

牧說文作毋○周書牧誓云甲子昧爽王朝至于商郊
牧野注云紂近郊三十里地名牧疏云牧是郊上之地
戰在平野故言野耳○周書克殷曰周車三百五十乘
陳于牧野○水經注云自朝歌以南暨清水土地平衍

據臯跨澤悉壠野之地故詩稱壠野洋洋竹書紀年曰
武王率西夷諸侯伐殷敗之于壠野○皇甫謐曰在朝
歌南七十里○一統志河南衛輝府汲縣本殷牧野之
地牧野在府城南陵西社朝歌之南武王伐紂陳師于
此

驃

爾雅云駢馬白腹驃注云駢赤色黑鬚○檀弓云周人
尚赤戎事乘驃○傳云驃言上周下殷也○埤雅云驃

从縛省縛淺赤也

鷹

爾雅云鷹鶲鳩注云鶲當為鷂左傳作鷂鳩是也○月令云仲春鷹化為鳩季夏鷹乃學習孟秋鷹乃祭鳥王制云鳩化為鷹然後設罿羅陳氏曰仲秋也○左傳鄭子曰少皞氏鳥師而鳥名爽鳩氏司寇也杜預曰爽鳩鷹鷙鳥也故為司寇主盜賊○運斗樞云瑤光星散為鷹立秋之日鷹鷙擊○廣志云有雉鷹有兔鷹一歲為

黃鷹二歲為撫鷹三歲青鷹胡鷹獲麞○禽經云鷹不擊伏鶲不擊姪○隋魏彥深賦云資金方之猛氣擅火德之炎精指重十字尾貴合盧立如植木望似愁胡睛全劍利脚等荆枯亦有白如散花赤如點血大文若錦細斑似纈眼類明珠毛猶霜雪身重若金爪剛如鐵生於窟則好眠巢於木則常立雙骯長則起遲六翮短則飛急毛衣屢改厥色無常寅生酉就總號為黃二周作鵠千日成蒼雌則體大雄則形小遇犬驚猜得人馴擾

○埤雅云鷂次赤也頂有毛角微起今通謂之角鷂
鳥獸考云鷂類甚衆維角雕黃者以鷂名然角鷂有二
種一種青腳有毛一種兩腳無毛名鷙鷙角鷂

絲篇

徙

爾雅云徙施其紹徙舍人曰徙名施小爪也紹繼謂徙
子漢中小爪曰徙孫炎曰徙小爪子如施其本子小紹
先歲之爪曰徙邢昺曰爪本有二種大曰爪小曰徙而

瓜蔓近本之瓜必小于先歲之大瓜以其小如匏故謂之瓞瓞是匏之別名

陶復

疏云陶瓦器竈也覆地室也覆者地上為之穴者鑿地為之○朱傳云陶窯竈復重窯穴上室也○考工記云搏埴之工陶旣有虞氏尚陶○尸子曰昆吾作陶○周書曰神農耕而作陶○賈公彥云古者窟居隨地而造若平地則不鑿但累土為之謂之為複言于地上重複

為之也若高地則鑿為坎謂之為穴其形皆如陶竈複
穴皆開其上取明

穴

說文云土室也○易曰上古穴居而野處後世聖人易
之以宮室○禮運云先王未有宮室冬居營窟夏居楨

巢

岐

郡縣志云岐山亦名天柱山在鳳翔岐山縣東北十里

○地里志右扶風美陽縣岐山在西北中水鄉周太王所邑○水經注岐山歷周原下北則中水鄉成周聚水北即岐山○河圖括地象云岐山在崑崙東南為地乳上為天麇星○一統志岐山在陝西鳳翔府岐山縣東北十里山有兩岐故名亦曰天柱山其峰高峻狀若柱然禹貢導汧及岐太王邑于岐山之下文王時鳳鳴岐山皆此也俗名鳳皇堆

董

毛傳云堇菜也○詩緝云孔氏謂堇即烏頭則與鳩
毒同類非荼菜可食之類矣荼雖苦得霜甜脆故
可言如飴烏頭毒物不可食何由知其如飴乎毛氏
以堇為菜不言毒物○內則云堇荁粉榆注云荁似
堇而葉大○公食禮鉶筆皆有滑注云滑堇荁之屬
○說文云堇根如蕷葉如細柳蒸食之甘○爾雅云
蕷苦堇郭云今堇葵也葉似柳子如米肉食之滑者
○本草堇汁味甘唐本注云此菜野生非人所種俗

謂之董菜葉似蕷花紫色○朱傳云董烏頭也○爾雅云芨董艸郭云即烏頭也江東呼為董音靳○晉語驪姬置董于肉賈逵曰董烏頭也○國策云人之饑所以不食烏喙者以其雖偷充腹而與死同患也○廣雅云附子一歲為荊子二歲為烏喙三歲為附子四歲為烏頭五歲為天雄○本草云冬月採為附子春採為烏頭烏頭味辛甘溫大熱有大毒一名奚毒一名即子一名烏喙三寸以上為天雄陶隱

居云春時莖初生有腦形似烏鳥之頭故謂之烏頭有
兩岐共葦狀如牛角名烏喙喙即烏之口也吳氏本草
云烏頭一名莨一名千秋一名毒公一名果負一名耿
子禹錫等云正月始生葉厚莖方中空葉四面相當與
蒿相似圖經云烏頭烏喙天雄附子側子都是一種冬
至前將陸田耕五七遍以猪糞糞之逐月耘耔至次年
八月後方成苗高三四尺莖四稜葉如艾花紫碧色作
穗實小黑如桑椹本只種附子熟後有四物長三二寸

為天雄附子旁尖牙角為側子絕小者亦名側子元種者為烏頭其餘大小皆為附子

按爾雅韻苦莖本草在菜部毛公所云莖菜指此若烏頭則但可謂之草不可謂之菜也陸氏釋文又引廣雅云莖翟也今三輔之言猶然此爾雅所謂拜齒翟非此莖也

飴

內則云棗栗飴蜜以甘之○釋文云飴餉也○方言云

餳謂之張。皇飴謂之餫。謂之餧。○說文云。飴米糲煎也。餳飴和餳者也。○釋名云。飴小弱于餳。形怡怡然也。

契

周禮。華氏掌共焦契以待卜事。凡卜以明火執焦遂歛其焌。契以授卜師。遂歛之下卜師。凡卜事。揚火以作龜致其墨。○士喪禮。楚焞置于焦在龜東。○陳祥道云。焦炬也。契灼龜之木也。契謂之焌。亦謂之楚。焞楚其材也。焞其體也。契。其用也。○羅氏云。禮圖。楚焞以荆為之心。以荆者。凡木心。

圓荆心方卦之德方以知以其德方故以方木灼龜也

司空

尚書僉曰伯禹作司空帝曰俞咨禹女平水上又曰司空掌邦土居四民時地利○禮記云司空執度度地量地遠近興事任力○元命苞云危東六星兩雨而比曰司空主水○書大傳云溝瀆壅遏水為民害田廣不墾則責之司空○家語曰司空之官以成禮度量不審舉事失禮都鄙不修財物失所曰貧貧則飭司空○白虎

通云司空主土不言土而言空空尚主之況於實乎○漢官解詁云下理坤道上和乾光謂之司空○環濟要略云冬官司空掌邦事營城郭都邑立社稷宗廟造塋宅器械監百工

皋門應門

毛云王之郭門曰皋門王之正門曰應門箋云諸侯之宮外門曰皋門朝門曰應門內有路門天子之宮加以庫雉疏云毛云郭門者宮之外郭之門毛以諸侯之門

不名臯應與鄭別○爾雅云正門謂之應門○朱子曰書天子有應門春秋書魯有雉門禮記云魯有庫門家語云衛有庫門皆無云諸侯有臯應者則臯應為天子之門明矣意者太王之時未有制度特作二門其名如此及周有天下遂尊以為天子之門而諸侯不得立也○周禮闈人掌守王宮中門之禁先鄭注云王有五門外曰臯門二曰雉門三曰庫門四曰應門五曰路門一曰卑門玄謂雉門三門也又云匠人營國應門二徹三

今王宮門阿之制九雉○明堂位云庫門天子臯門雉
門天子應門○禮書云臯門之內外朝也朝士建其法
小司寇掌其政列三槐與九棘設嘉石與肺石而朝諸
侯聽訟詢大事在焉應門之內治朝也司士正其位宰
夫掌其法大僕正王之位而王日視朝在焉路門之內
燕朝也大僕正其位掌擯相而族人朝焉諸侯之外門
曰庫門魯以周公之故猶不可稱臯門應門特為臯應
之制而已○考索云臯者遠也明最在外故曰臯應門

者則居此以應治也

家土詳見甫田社

傳云家土大社也美太王之社遂為大社○祭法云王為羣姓立社曰大社郊特牲云天子大社必受霜露風雨以達天地之氣也○禮書云王之大社土五色而冒以黃其位則中門之右社主陰故也其墳北面社嚮陰故也其飾則不屋記所謂大社必受霜露風雨也其表則木傳所謂夏以松商以柏周以栗是也其方廣則五

丈其主則石為之

問

傳曰小聘曰問○大宗伯云賓禮時聘曰問○大行人云凡諸侯之邦交歲相問也殷相聘也世相朝也○聘禮云小聘曰問不享有獻不及夫人主人不筵几不禮面不升不郊勞其禮如為介三介鄭目錄云大問曰聘諸侯相於久無事使卿相問之禮小聘使大夫○王制云諸侯之於天子也比年一小聘三年一大聘

械

爾雅云棫白樛郭云樛小木叢生有刺實如耳璫紫赤可啖○陸璣云王蒼說棫即柞也其材理全白無赤心者為白樛直理易破可為轎車輻又可為矛戟矜今人謂之白棟或曰白柘

混夷

箋云夷狄國也詳見出車西戎

虞芮

括地志云故虞城在陝州河北縣東北五十里虞山之上古虞國故芮城縣西二十里古芮國閒原在河北縣西六十五里○晉太康地記云虞西百四十里有芮城○郡縣志云閒原在平陸縣即虞芮爭田讓為閒田之所○史記注引地里志云虞在河東太陽縣芮在馮翊臨晉縣正義云注引芮在臨晉者恐疎閒原在河東與虞芮相接臨晉在河西同州非臨晉芮城明矣○一統志平陸縣在山西平陽府解州東南九十里芮城縣在

州西南九十里間田在平陸縣西五十里即虞芮相讓之地俗呼讓畔城

棫樸篇

樸

傳云樸枹木○爾雅云樸枹者郭云樸屬叢生者為枹

櫟

箋云祭皇天上帝及三辰聚積以燎之疏云月令注皇天為北辰耀魄寶上帝為五帝三辰即宗伯所云日月

星辰也○周禮大宗伯云以禋祀祀昊天上帝以實柴
祀日月星辰以槱燎祀司中司命飌師雨師注云禋之
言烟槱積也詩曰芃芃棫樸薪之槱之三祀皆積柴實
牲體焉或有玉帛燔燎而升烟所以報陽也○禮記月
令云季冬乃命四監收秩薪柴以共郊廟及百祀之薪
燎祭法云燔柴於泰壇祭天也

綱紀

說文云綱綱絃也紀別絲也○尚書云若綱在綱有條

而不索

旱麓篇

旱

地里志漢中郡南鄭縣旱山沱水所出東北入漢○曹氏曰旱山在梁山之境與漢廣相近故取以興焉○周地圖記云山上有雲即雨○一統志陝西漢中府南鄭縣附郭府城西南六十五里有旱山

麓

穀梁傳云林屬於山曰麓○漢書應劭云麓林之大者
○釋名云山足曰麓麓陸也言水流順陸燥也○周禮
林衡掌巡林麓之禁令而平其守以時計林麓而賞罰
之若斬木材則受法于山虞而掌其政令

楛

陸璣曰楛其形似荆而赤莖似蓍上黨人織以為牛管
箱器又屈以為釵○禹貢荊州貢楛注云中矢幹出雲

夢之澤

瓚互見衛風圭斯干璋文王裸將

箋云圭瓚之狀以圭為柄黃金為勺青金為外朱中央
○周禮典瑞云裸圭有瓚以肆先王以裸賓客注於圭
頭為器可以挹鬯裸祭謂之瓚漢禮瓚槃大五升口徑
八寸下有槃口徑一尺玉人云裸圭尺有二寸有瓚以
祀廟注云瓚如槃其柄用圭有流前注凡流皆為龍口
三璋之勺形如圭瓚○白虎通云圭瓚宗廟之盛禮也
玉飾其末君子之性金飾其中君子之道○禮書云王

之肆先王禮賓客以裸圭后之亞裸與王之巡狩以裸
璋圭璋其柄瓚其勺也○羅氏云鬱與鬯皆陰而玉為
陽物圭璋又東南陽方之玉故假之嫌于無陽也○禮
圖云圭瓚如槃大五升口徑八寸深二寸璋瓚口徑四
寸深二十

按玉人說三璋云黃金勺青金外朱中鄭依此說圭
瓚之制則為勺者黃金也玉人云裸圭有瓚不別云
裸璋有瓚則三璋即璋瓚也陳氏祥道乃云圭瓚璋

瓚勺用玉多石少者三璋之勺則飾以金此何據乎
即其引鄭氏瓚四玉一石之說彼注鄭已讀瓚為蜃
取雜色之意非此瓚也且若三璋之勺以金為飾玉
人但說青外朱中足矣又何用黃金勺一句以此知
其說妄也三璋有縲圭瓚當亦有縲鄭氏下槃龍口
之說或是漢法不足以擬周制古者諸侯九命賜以
秬鬯圭瓚天子之瓚其柄之圭尺有二寸賜諸侯蓋
九寸以下也

清酒

箋云祭祀之事先為清酒○周禮酒正辨三酒之物三
曰清酒注云今中山冬釀接夏而成

六家詩名物疏卷四十六

欽定四庫全書

六家詩名物疏卷四十七 明 馮復京 撰

大雅文王之什二

思齊篇

在宮

辟廡別載

箋云宮謂辟廡宮也羣臣助文王養老○周禮外饔邦饗者老掌割亨之事酒正饗者老共其酒無酌數凡有秩酒者以書契授之大司徒以保息六養萬民二曰養

老遺人門闕之委積以養老孤司門以其財養死政之老橐人饗者老共其食羅氏中春羅春鳥獻鳩以養國老○王制云凡養老有虞氏以燕禮夏后氏以饗禮殷人以食禮周人修而兼用之五十養於鄉六十養於國七十養於學達於諸侯有虞氏養國老於上庠養庶老於下庠殷人養國老於右學養庶老於左學周人養國老於東膠養庶老於虞庠虞庠在國之西郊有虞氏深衣而養老夏后氏燕衣而養老殷人縞衣而養老周人

玄衣而養老凡三王養老皆引年月令仲秋養哀老授
几杖行糜粥飲食文王世子云凡大合樂必遂養老注
云大合樂謂春入學釋菜合舞秋頌學合聲又云天子
視學適東序釋奠於先老遂設三老五更之席位適饌
省醴養老之珍具遂發詠焉退修之以孝養也反登歌
清廟下管象舞大武有司告樂闋王乃命公侯伯子男
及羣吏曰反養老幼于東序內則云凡養老五帝憲養
氣體而不乞言有善則記之為惇史三王亦憲既養老

而後乞言亦微其體皆有惇史樂記云食三老五更於太學天子袒而割牲執醬而饋執爵而酳冕而總干所以教諸侯之弟也○禮書云天子之於老所養也三國老也庶老也死政者之老也歲養之也三仲春也季春也仲秋也羅氏獻鳩以養之者國老也司徒以保息養之者庶老也司門以其財養之者死政者之老也若夫外饔酒正槁人所謂耆老者總三者而言之也

皇矣篇

二國

傳云殷夏也○帝王世紀曰禹受封為夏伯在豫州外
方之南今河南陽翟是也即天子位都平陽或在安邑
或在晉陽○一統志河南開封府鈞州本夏禹所封地
秦為陽翟縣安邑縣在山西平陽府

薔

釋木云立丘薔李巡曰以當戎害生曰薔○孔氏云立
丘之木妨他木生長故曰薔也

翳

釋木云斃者翳郭云翳樹陰翳覆地者也○孔氏云生木自倒枝葉覆地為瘞翳故曰翳也

列

爾雅云柟柟郭云樹似槲櫟而庳小子如細栗可食今江東亦呼為柟栗○陸璣云樹如榆木理堅韌而赤可為車轅○內則云芝柟蘆楨鄭氏云人君燕食所加庶羞也

檉

爾雅云檉河柳郭云今河旁赤莖小楊○陸璣云生水
旁皮正赤如絳一名雨師枝葉如松○本草云赤檉木
皮赤色葉細其中木脂一名檉乳衍義云人謂之三春
柳以其一年三秀也花肉紅色成細穗河西者戎人取
滑枝為鞭○南都賦注檉似柏而香○雅翼云天將雨
檉先起氣以應之故一名雨師亦能負霜雪大寒不彫
有異餘柳○通志云大概松杉之類而意態似柳故謂

之檉柳其材可卷為盤合又有一種名赤楊又名水楊與此相似而植之水邊其葉經秋盡紅人多植于門巷

椐

爾雅云椐櫟郭云腫節可以為杖○陸璣云節中腫似扶老即今靈壽是也今人以為馬鞭及杖弘農郡北山甚有之○本草云靈壽木作杖令人延年益壽圓長皮紫○漢書孔光傳賜靈壽杖師古曰木似竹有枝節長不過八九尺圍三四寸自然有合杖制不須削治也○

山海經云廣都之野靈壽實華○王粲頌云寄幹堅正

不待矯轄

厯

爾雅云厯桑山桑注云似桑材中作弓及車轅○禹貢
青州厥篚厯絲注云厯桑蠶絲中琴瑟弦○考工記云
弓人取材厯桑次穂○管子五粟之土其厯其桑○師
古云山桑之有點文者○花木考云繭生山桑不浴不
飼居民取之製為紬久而不敝

柘

月令云季春無伐桑柘○投壺云矢以柘若棘○考工記云弓人取材柘為上○周書云季夏取桑柘之火○淮南子云八月其樹柘○四民月令云柘染色黃赤人君所尊○蠶書云柘葉飼蠶其絲作琴瑟絃清鳴響亮○埤雅云柘宜山石古今注柘實曰佳佳言佳鳥性所食○本草衍義云柘木理有紋亦可旋為器

按鄭箋云岐周之地險隘多樹木乃競刊除而自居

處其刊除之次陸農師論之詳矣作屏修平啟辟攘
剔八字皆刊除之義也蓋歸周者日衆地無所容故
伐木以立田宅無暇論其材之美不美以去留之也
自程子有修治叢列及剔去繁冗之說而朱子因之
故後人遂謂去惡木以存美材不知檉可入藥為器
樛中為杖亦何嘗不可用而併啓辟之乎

審

傳云密須氏○地里志安定郡陰密縣詩密人國○國

名記子爵世本云商有密須文王伐之魯有密須之鼓
杜預謂姞姓國在安定陰密今涇之靈臺也史索云是
河南密九域志以為鄆之致密城皆非○一統志陝西
平涼府涇州靈臺縣在州城南九十里古密須之國○
書傳云文王受命三年伐密須○皇甫謐云文王問太
公吾欲用兵孰可太公曰密須氏疑於我我可先伐之
管叔曰不可其君天下之明君伐之不義太公曰臣聞
先王之伐也伐逆不伐順伐險不伐易文王曰善遂侵

阮祖共而伐密須密須之人自縛其君而歸文王○左傳云密須之鼓與其大路文所以大蒐也

阮祖共

箋云阮也祖也共也三國犯周文王伐之○孔氏云毛以祖為往阮共為周地密須所侵也○魯詩說云阮祖共皆國名○張氏云阮國名共阮國之地名皆在今涇州今有共池即共也○氏族略云阮諸侯國在岐渭之間

旅

傳云旅地名疏云毛意以旅為周地○孟子疏云大雅曰以遏徂旅孟子曰徂莒者案春秋書莒子盟于密則莒密之近地詩言密之衆孟子言密之地其旨同也○

左傳注云莒今城陽莒縣城陽淳于縣東北有密鄉

按古莒國今山東青州府莒州漢之城陽國也去密須殊遠孟子疏非也

鮮原

傳云小山別大山曰鮮○爾雅孫炎注云別不相連也
○疏云周書稱文王在程作程寤程與皇甫謐云文王
徙宅於程蓋謂此也○前漢地里志安陵顏注曰閼駟
以為本周程邑○通鑑外紀云西伯自岐徙鮮原在岐
之陽不出百里○朱傳云其地於漢為扶風安陵今在
京兆府咸陽縣○國名記云在今咸陽亦在岐南與畢
陌接所謂畢程孟子言文王卒于畢郢

夏

箋云諸夏○說文云夏中國之人也徐鍇曰象有威儀文飾備具行紓遲也○師古漢書注曰夏大也言大於四夷

鉤援

孔氏曰鉤援一物所以鉤引上城者墨子稱公輸班作雲梯以攻宋蓋此之謂

臨

朱傳云臨臨車在上臨下者也○禮書云楚子使解揚

登樓車以告宋人蓋臨車之類

衝

朱傳云衝衝車從旁衝突者也○禮書云墨子有備衝之篇荀子曰渠衝入穴而求利楊子曰衝不齊皆言衝車之大也孫武曰攻城之法修其櫓轔轘轔四輪車蓋衝車之類也

崇

朱傳云崇今京兆府鄠縣○一統志陝西西安府鄠縣

夏時扈國殷為崇國○史記云崇侯虎諧西伯於紂紂囚西伯於羑里後赦西伯受命明年伐犬戎明年伐密須明年敗耆國明年伐邘明年伐崇侯虎而作豐邑○說范文王曰余聞崇侯虎陵侮父兄不敬長老分財不均百姓力盡余將來征之乃伐崇令母殺人壞室填井伐樹木動六畜崇人聞之因請降

類

爾雅云是禴是禡師祭也疏云王制云天子將出征類

乎上帝則類祭祭天也尚書歐陽說以事類祭之在南
郊春官肆師注云類禮依郊祀是用尚書說為義也○
書曰類于上帝○周禮小宗伯兆五帝于四郊四望四
類亦如之凡天地之大哉類社稷宗廟則為位肆師類
造上帝則為位大祝六祈一曰類大師類上帝詛祝掌
類造之祝號○禮記天子將出類乎上帝天子將出征
類乎上帝注云帝謂五德之帝○禮書云類皆有所祈
其禮劣于正祭與旅

禡

爾雅云禡師祭也○禮記云天子出征禡于所征之地○周禮小宗伯甸役之禱祠肆儀為位肆師四時大田獵祭表貉則為位注云於所立表之處為師祭造軍法者禱氣勢之增倍也其神蓋蚩尤或曰黃帝又云甸祝掌表貉之祝號大司馬教振旅有司表貉教大閱設驅逆之車有司表貉于陳前○公羊說云師出曰祠兵祠者祠五兵矛戟劍楯弓鼓及祠蚩尤之造兵者○應劭

云至所征之地表而祭之謂之禡禡者馬也馬者兵之首故祭其先神也○考索云漢書稱高祖祠黃帝蚩尤於沛庭管仲稱蚩尤作劔戟史記稱黃帝與蚩尤戰于阪泉豈軍法之興始此故後世因祭之與

靈臺篇

靈臺

箋云天子有靈臺者所以觀祲象察氣之妖祥也疏云靈臺在國之西郊與辟廡同處○易乾鑿度云文王二

十九年伐崇作靈臺○易是類謀云作靈臺受赤爵丹
書○含神霧云作邑于豐起靈臺○禮含文嘉云天子
靈臺所以觀天人之際察陰陽之會也揆星度之驗徵
六氣之端應神明之變化覩因氣之所驗為萬物獲福
於無方之原招太極之清泉以與稼穡之根天子得靈
臺之則五車三柱明制可行水泉州流無滯寒暑之
災禾盡豐穰○禮統云所以制靈臺何以尊天重民備
災御患也夏為清臺何明相承太平相續故為清臺

殷為神臺周為靈臺何質者具天而王天者稱神文者
具地而王地者稱靈也○援神契云靈臺考符居高顯
聖王所以宣德察微○五經通義云靈臺在于野中國
之南附近辟雍積土增崇其高九仞極陽之數上平無
屋望氣顯著○春秋左傳云公既視朔而登觀臺以望
而書雲物為備故也○說苑云積恩為愛積愛為仁積
仁為靈是故文王始接民以仁而天下莫不仁焉○三
輔黃圖云文王靈囿在長安縣西四十二里靈沼在長

安西三十里靈臺在長安西北四十里高二十丈周四百二十步○三輔故事靈臺在豐水東○一統志靈臺在西安府鄠縣東靈囿在鄠縣東三十里囿中有沼曰靈沼

按明堂辟雍靈臺太廟四者先儒多合為一歷代紛爭皆不能決惟袁準之論為得文多不載文王靈臺當在鄠縣平涼府靈臺縣又有靈臺相傳文王伐密後所作考諸緯書皆云文王伐崇作靈臺不云伐密

而作之也三輔黃圖說臺圓沼異處或以鄭駁異義
云同言靈者於臺下為圓沼疑黃圖所言為謬不知
文王之圓方七十里據黃圖所說臺圓沼與長安相
去里數不過十里即于圓中設為臺沼亦何患于不
容乎黃圖得其實矣

圓

傳云圓所以域養禽獸也天子百里諸侯四十里○風
俗通云圓者畜魚鼈鯀之處也圓猶有也○說文云圓苑

有垣也一曰禽獸曰園○白虎通云苑園所以在東方何苑園養萬物者也東方所以生也○周禮園人掌園游之獸禁牧百獸祭祀喪紀賓客共其生獸死獸之物○呂覽云昔聖王之為苑園園池也足以觀望勞形而已○周語云藪有圃草圃有林池所以禦災也○淮南子云湯始作園以奉宗廟橋鮮之具○穀梁傳疏云徐邈何休皆曰天子園方十里伯方七里子男方五里未審據何為說○隋天文志云天苑十六星在昴畢南天

子之苑囿○管子云武王有靈臺之園而賢者進

虞業

釋器云木謂之虞大版謂之業○有瞽疏云虞者立於兩端拘則橫入於虞拘上加大版側著於拘其上刻為崇牙似鋸齒捷業然或曰既刻又畫之掛繩於上以為懸又置羽於筭虞之上角○釋名云懸鐘鼓者橫曰筭箕峻也在上高峻也縱曰虞虞舉也在旁舉箕也○禮記曰夏后氏之龍筭虞殷之崇牙周之璧翬注云殷於

龍上刻畫之為重牙以掛縣絃也周又畫繒為翫戴以璧垂五采羽於其下樹於冀之角上○周禮典庸器祭祀帥其屬而設筭虞大司樂凡國之大憂令弛縣小胥正樂縣之位王宮縣諸侯軒縣卿大夫判縣士特縣眡瞭掌太師之縣○考工記梓人為筭虞羸屬有力而不能走則於任重宜大聲而宏則於鍾宜若是者以為鍾虞羽屬無力而輕則於任輕宜其聲清揚而遠聞於磬宜若是者以為磬虞小首而長搏身而鴻者謂之鱗屬

以為筭

責

爾雅云大鼓謂之鼙○周禮鼙人鼓長八尺鼓四尺中
圍加三之一謂之鼙鼓鼓人鼙鼓鼓軍事司馬中春振
旅諸侯執鼙鼓鑄師凡軍之夜三鼉皆鼓之注云鼓之
以鼙鼓○書云鼙鼓在西序○疏責大也故謂大鼓為

責

鼙

爾雅云大鍾謂之鏞孫炎曰鏞深長之聲李巡曰大鍾音聲大鏞大也郭璞曰亦名鑄○書云笙鏞以閒鄭注云鏞即大射頌一也○周禮鍾師掌金奏鑄師掌金奏之鼓考工記云大鍾十分其鼓間以其一為之厚○射禮云西階之西頌磬其南鐘注云西方鐘磬謂之頌古文頌為鏞○書傳云天子將出撞黃鐘之鐘右五鐘皆應入則撞蕤賓之鐘左五鐘皆應○呂氏曰黃帝命伶倫鑄十二鐘○陳氏曰十二辰之鐘大鍾也大鐘特縣

詩書爾雅所謂鏞也非十二辰之鐘則編焉周禮所謂編鐘也

按郭以鑄為鏞依鄭注書及儀禮則鏞即頌鐘非鑄也大射注鑄如鐘而大陳氏祥道以鑄為小鐘鏞為特鐘博古圖說又云鑄減於特鐘而大於編鐘三說亦不同

辟廡

箋云水旋丘如璧曰辟廡以節觀者疏云辟廡即天子

太學也王制言太學在郊乃是殷制周制太學在國太學雖在國而辟廡仍在郊陳祥道云上庠東序右學東膠太學也周又有辟廡成均瞽宗之名周之辟廡即成均也東郊即東序也瞽宗即右學也○王制云天子曰辟廡注云辟明也廡和也所以明和天下又云天子將出征受成於學反釋奠於學以訊馘告又云有虞氏養國老於上庠夏后氏養國老於東序商人養國老於右學周人養國老於東膠文王世子曰春夏學干戈秋冬

學羽籥皆於東序春誦夏弦太師詔之瞽宗秋學禮冬
讀書禮在瞽宗書在上庠凡祭與養老乞言合語之禮
皆小樂正詔之於東序天子視學大昕鼓徵有司卒事
適東序祭義云祀三老五更於大學所以教諸侯之弟
○周禮大司樂掌成均之法以治建國之學政而合國
之子弟凡有道者有德者使教焉死則以為樂祖祭於
瞽宗又云春合諸學秋合諸射○韓詩說云辟雍者天
子之學圓如璧壅之以水言辟取辟有德不言辟水言

辟廡者取其廡和也所以教天下春射秋饗尊事三老五更在南方七里之內立明堂於中五經之文所藏處蓋以茅葦取其潔清也○禮統曰辟廡圓如璧雍以水內如覆外如堰盤○三輔決錄云辟廡水四周於外象四海○白虎通云璧圓法天雍水象教化流行辟積也積道德也雍壅也壅殘賊也又外圓內方明德當圓行當方也○黃圖云文王辟廡在長安西北四十里○史記豐鎬有天子辟池索隱云即周天子辟廡之地

鼈

月令云季夏之月命漁師伐蛟取鼈注云鼈皮可以冒鼓○周書王會云會稽以鼈○陸璣云鼈形似水蜥蜴四足長丈餘生卵大如鵝卵甲如鎧甲皮堅可冒鼓○本草圖經云肉至美口內涎有毒長一丈者能吐氣成霧致雨力至猛能致陷江岸性嗜睡但目閉形如龍大長者自噉其尾極難死聲甚可畏人于穴掘之百人掘須百人牽一人掘須一人牽不然終不可出○晉安海

物記云鼴宵鳴如桴鼓○續博物志云一名土龍鱗甲
黑色能橫飛不能上騰其聲如鼓○趙辟公雜說云鼴
聞鼓聲則鳴○埤雅云鼴具十二肖肉蛇肉最後在尾
其枕瑩淨魚枕弗如欲雨則鳴夜鳴應更初更一鳴而
止二即再鳴力首健善頽坎岸○呂氏春秋云頽項令
飛龍作效八風之音命之曰承雲乃令鯉先為樂倡鯉
乃偃浸以其尾鼓其腹其音英

瞇瞍

傳云有眸子而無見曰矇無眸子曰瞍疏云瞽亦有眸子矇之小別○韓詩說云無珠子曰矇珠子具而無見曰瞍○周禮瞽矇上瞽四十人中瞽百人下瞽百有六十人掌播鼗柷敔塤簫管弦歌諷誦詩世奠繫鼓琴瑟掌九德六詩之歌以役太師○禮運云卜筮瞽侑皆在左右玉藻云御瞽幾聲之上下○周語瞍賦矇誦注賦賦公卿列士所獻詩也誦謂箴諫之語晉語云矇瞍修聲

文王有聲篇

豐

皇甫謐云豐在京兆府鄠縣東豐水之西文王自程徙此○孔氏云從鮮原徙酆酆在岐山東南三百餘里○朱傳云即崇國之地○一統志豐宮在西安府鄠縣東五里周文王作邑於豐時所居

減

傳云成溝也○韓詩作洫云洫深池○周禮云匠人為

溝洫方十里為成成間廣八尺深八尺謂之洫


按說文洫成間洫也滅疾流也毛傳以為成溝則改
滅作洫毛鄭之意本謂文王築城維如一成之洫洫
內地方十里文王作十里之豐與之相匹成城字異
朱子讀注疏不精改成溝作城溝不知城郭溝池所
以為固若僅僅廣深八尺豈所謂設險守國乎經稱
崇墉言言城既高大池必極深廣豈止八尺而已既
曰城溝又虛引匠人之文進退失據矣

豐水

禹貢云漆沮既從澧水攸同又云導渭自鳥鼠同穴東會於澧入於河○郡縣志云豐水出京兆府鄠縣東南終南山自發源北流經縣東二十八里北流入渭○黃圖云出鄠南山豐谷○水經注云渭水東與豐水會同陰山無他高山異巒惟原阜石墩○文子曰老子云豐水之深十仞而不受塵垢金鍊在中形見於外○一統志出終南山合太平高觀谷水東至咸陽縣入渭

皇

白虎通云皇君也美也大也天之總美大稱號之為皇者煌煌人莫違也不擾匹夫匹婦虛無寥廓天地通靈也



六家詩名物疏卷四十七

欽定四庫全書

經部

六家詩名物疏卷四十八

詳校官監察御史臣沈孫璡
通政使司副使臣莫瞻菉覆勘

總校官中書臣朱鈴

校對官中書臣吳俊

謄錄監生臣鰲圖

欽定四庫全書

六家詩名物疏卷四十八

明 馮復京 撰

大雅生民之什一

生民篇

禋祀

箋云禋祀上帝於郊廟○月令仲春玄鳥至至之日以太牢祠於高廟天子親往后妃帥九嬪御乃禮天子所御帶以弓韜授以弓矢于高廟之前蔡邕云高猶尊也

裸者所以祈子孫之祀鄭玄云高辛氏之世玄鳥遺卵
娀簡吞之而生契後王以為媒官嘉祥而立其祠變媒
言裸神之也孔穎達云契已前祭天南郊以先媒配蓋
伏羲也至高辛簡狄之異後王以是為媒官之嘉祥即
以高辛之君立為裸神以配天○五經要義云玄鳥感
陽而至集人棟宇有孳乳之祥故重其至日因以用事
○王居明堂禮云帶以弓羈禮之裸下其子必得天材

帝

易緯云帝者天號也德配天地不私公位稱之曰帝○
書大傳云天立五帝以為相四時施生法度明察春夏
慶賞秋冬刑罰帝者任德設刑以則象之言其能行天
道舉錯審諦也○白虎通云帝者諦也象可承也

敏

釋詁云敏拇也孫炎曰拇迹大指處

后稷

尚書曰棄黎民阻飢汝后稷播時百穀疏云稷是五穀

之長立官主此稷事后訓君也單名為稷尊而君之稱為后稷○周語云稷為大官王籍后稷監之徧戒百姓紀農協功曰陰陽分布震雷出滯土不備墾辟在司冠乃命其旅曰徇農師一之農正再之后稷三之

達

說文云傖小羊也○薛琮云羊子初生達小名羔

穎

說文云穎禾末也○孔氏云穎是禾穟之挺○小爾雅

云禾穗謂之穎截穎謂之銼

邵

毛氏曰姜嫄之國○左傳云魏駘芮岐畢吾西土也注
云后稷受此五國駘在武功縣治驪城○一統志陝西
西安府乾州武功縣古邰國后稷所封驪城在武功縣
西南二十里古有驪亭久廢

秬

釋草云秬黑黍李巡曰黑黍一名秬黍○雅翼云古者

薦籩有白黑形鹽白為燉秬黑即秬也至藏冰則用秬
黍以享司寒蓋倣其方之色亦以為酒謂之秬鬯○瑞
應圖云后稷播植天降秬秬○孔叢子魏王問子順曰
昔上天神異后稷為之下嘉穀周遂以之興

秬

釋草云秬一稃二米李巡曰黑黍之中一稃有二米者
別名為秬郭璞曰漢和帝時任城生黑黍或三四實實
二米得秬三斛八斗是鄭豐人注云秬如黑黍一秬二

米答張逸云秬即皮其稃亦皮也○本草圖經云秬黍
之中一稃二米者得天地中和之氣乃生米粒皆勻無
大小得此然後可定鐘律今上黨或值豐歲往往得之
但稀濶不以充貢○雅翼云鄭氏釋鬯人以秬之狀雜
于秬郭氏解釋草以秬之色雜于秬郭又引漢任城生
黑黍詩歌后稷降播乃民事之常如必待任城所生而
後降之則沒世不可待矣按今百穀一稃二米者惟麥
為然說文解秬亦云一稃二米而解來字云周所受瑞

麥來麌一來二縫然則極正來麌爾但生民臣工所稱不同來麌又為釐麌古者來釐不三字相通

糜詳見鵝羽梁

釋草云蓼赤苗郭云今之赤粱粟

芑詳見鵝羽梁

釋草云芑白苗郭云今之白粱粟與蓼皆好穀

肇祀

鄭云肇郊之神位○商頌肇域箋云肇當作兆兆域正

疆界○周官小宗伯兆五帝于四郊注云兆為壇之營域黃帝亦於南郊○說文作塙云畔也

惟

朱傳云惟齋戒具修也○周官注云具所當共修掃除

奠酒

羝

爾雅云羊壯羝注謂吳羊白羝○易大壯九三羝羊觸藩羸其角上六羝羊觸藩不能退不能遂无攸利艱則

吉○廣雅云吳羊牡一歲曰壯羝三歲曰羝○雅翼云
羝是牡羊總名而羣乃吳羊之羝者蓋羝性好抵觸齊
民要術畜牧之法大率十羊二羝以為羣少則不孕多
則敗羣尤取其無角者恐其抵觸以傷胎也蓋羝為白
羝渝為黑羝

較

周官大馭掌馭玉路以祀及犯較王自左馭馭下祝登
受讐犯較遂驅之及祭酌僕僕左執讐右祭兩軼祭軼

乃飲注云行山曰轂犯之者封土為山象以苦芻棘柏
為神主既祭之以車轢之而去喻無險難戎僕犯轂如
玉路之儀又犬人凡祭祀共犬牲用牲物伏瘞亦如之
注云伏謂伏犬以王車轢之○聘禮記出祖釋轂祭酒
脯乃飲酒於其側○月令孟冬其祀行祭先腎注云行
在廟門外之西為轂壙厚二寸廣五尺輪四尺○祭法
王立七祀曰國行諸侯立五祀曰國行大夫立三祀曰
行適士立二祀曰行○崔靈恩云宮內之轂祭古之行

神城外之輶祭山川與道路之神○孔氏曰輶本山行之名以祭道路之神為之在國門外卿大夫用酒脯天子以犬諸侯以羊禮畢乘車轡之月令冬祀行注依中雷之禮有主有尸用特牲是天子諸侯常祀與輶異也輶又名祖聘禮及詩云出祖是也又名道曾子問云道而出是也○風俗通云按禮傳共工之子曰修好遠遊舟車所至足蹟所達靡不窮覽故祀以為祖神祖者徂也○顏師古云祖者送行之祭昔黃帝之子纁祖好遠

遊而死于道故後人祭之以行神

登

釋器云瓦豆謂之登疏云對文則木曰豆瓦曰登散則皆名豆冬官旒人掌為瓦器而云豆中縣是瓦亦名豆也○公食大夫禮云大羹湆不和實于鐙公設之于醬西注大羹湆煮肉汁也大古之羹不和無鹽菜○禮書云登儀禮作鐙其實大羹食禮用之飲禮不用故公食大夫設于醬西鄉飲鄉射燕禮不設也士虞特牲有司

徹皆設之少牢不言設者以特牲有司徹見之也

行葦篇

几

釋名云几度也所以度物也○周禮太宰大朝覲會同
贊玉几司几筵掌五几凡大朝覲大饗射封國命諸侯
王設左右玉几祀先王昨席亦如之諸侯祭祀右彫几
昨席筵國賓左彤几甸役右漆几凡喪事右素几吉事
變几凶事仍几○顧命云牕間南向華玉仍几西序東

向文貝仍几東序西向彫玉仍几西夾南向漆仍几○
禮記曰謀於長者心操几杖而從之又云獻几杖者拂
之又云大夫七十而致仕若不得謝則必賜之以几杖
又云仲秋養衰老授几杖又云父母舅姑坐御者舉几
斂席又云父母枕几不傳○左傳云几設而不倚爵盈
而不飲禮之至也○國語云倚几有訓誦之戒○鄭玄
聘禮注云弧形几御大夫漆几○馬融云几長三尺○
阮諶云几長五尺高廣二尺○禮圖云几兩端赤中央

黑○禮書云席常設于賓未至之前几常授于行禮之際其將授也必拂於敵以下外拂于尊者內拂皆拂之三其授之也必拜

送其受也必拜答執之或橫見有司徹或中攝見聘禮授之或

受其足昏禮所謂授或受于手間有司徹或以几辟昏尸授几或以几辟

禮以几辟或不以几辟有司徹不云辟者尸尊也儀禮昏聘公食大賓卑故也

夫皆有几冠禮醴賓鄉飲鄉射及燕賓無几皆輕重之

別也喪或同時在殯則每敦異几及祭則同几生事鬼事之別也士喪禮綬足用燕几曲禮尸乘必以几婚禮

婦乘以几不特所憑以安而已

翬

說文云翬玉爵也一曰翬受六升○明堂位云爵夏后氏以璣殷以翬周以爵注云翬畫禾稼禮運云璣翬及尸君非禮也是謂僭君郊特牲云舉翬角詔妥尸○周禮量人凡宰祭與鬱人受翬歷而皆飲之先鄭云殷以翬○禮書云翬有耳璣翬先王之器也惟魯與二王後得用焉諸侯用之則僭矣故記曰璣翬及尸君非禮也

○博古圖云璣从戎故三足象戈罿戒喧故二口作喧

爵之字通於雀

洗爵奠斝

詩緝云今考燕禮諸侯燕其臣以膳宰為主人主人獻賓賓卒爵賓洗爵酢主人主人卒爵主人獻公公卒爵公酌酢主人主人卒爵於是主人酌以酬賓賓遂奠而不舉

醯醢互見伐柯篇邊豆

爾雅云肉謂之醢有骨者謂之羈○釋名云醢海也冥
也封塗使密冥乃成也醢多汁者曰醢醢瀋也宋魯人
皆謂汁為瀋○公食大夫禮云韭菹以東醢醢屈醢醢
堂上八豆其南醢醢屈西夾六豆其東醢醢屈醢醢
壅少牢禮韭菹醢醢坐奠于筵前○周禮醢人掌四豆
之實朝事之豆其實韭菹醢醢深蒲醢醢餘見豆王舉則
共醢六十瓨以五齊七醢七菹三羈實之賓客之禮共
醢五十瓨凡事共醢鄭注云醢肉汁也作醢及羈者先

膊乾其肉乃後塗之雜以粱麵及鹽漬以美酒塗置瓶
中百日則成矣掌客上公饗餼醯醢百二十甕侯伯百
甕子男八十甕○禮記云恒豆之菹水草之和氣也其
醯陸產之物也加豆陸產也其醯水物也注云此謂諸
侯也與天子之豆有錯雜○禮記外傳云醯有陸產有
水物天地陰陽之氣所生○四民月令云五月一日可
作醯

脾

說文云上藏也徐曰脾裨也在胃下裨助胃氣主化物
○月令春祭先脾○尚書歐陽說脾土也古尚書說脾
木也

朦

傳云朦函也○通俗文云口上曰朦口下曰函

号

釋樂云徒擊鼓曰号孫炎曰聲驚號也○樂書云号無
章曲非樂之正特歌之助而已

敦弓

荀子云天子雕弓諸侯彤弓大夫黑弓禮也○何休公羊注云天子彤弓諸侯彤弓大夫嬰弓士盧弓○孔氏云冬官弓人云天子之弓合九而成規又云往體寡來體多謂之王弧此敦弓即彼王弧也

鏃

爾雅云金鏃翦羽謂之鏃骨鏃不翦羽謂之志郭璞曰金鏃金鐸箭也骨鏃金骨骲也○方言云矢江淮之間

謂之鏃○周禮司弓矢鏃矢用諸近射田獵注云鏃之言候也可以司候射敵之近者及禽獸前尤重中深而不可遠也又矢人為矢鏃矢參分一在前二在後注云參訂之而平者前有鐵重○禮書云翦羽尚疾不翦羽尚舒尚疾則以金鏃而心其入尚舒則以骨鏃而防其傷

序賓

朱傳云賢射多中也不侮敬也○鄉射大射禮云釋獲

者先數右獲二算為純一純以取實于左手十純則縮而委之每委異之有餘純則橫于下一算為奇奇則又縮諸純下適左坐兼斂箕實于左手一純以委十則異之其餘如右獲遂進取賢獲執以告右勝則曰右賢于左左勝則曰左賢于右以純數告有奇者亦曰奇若左右鈞則左右各執一箕以告曰左右鈞還復位○投壺曰卒投司射執算二算為純一純以取一算為奇遂以奇算告曰某賢於某若干純奇則曰奇鈞則曰左右鈞

魯令弟子辭曰母撫母教母偕立母踰言偕立踰言有常爵薛令弟子辭曰母撫母教母偕立母踰言若是者浮

主

增韻云主者賓之對也

大斗

說文曰斗勺也○疏云大斗漢禮器制度注勺五升徑六寸長三尺是也此蓋從大器挹之以樽用此勺耳其

在樽中不當用如此之長勺也○儀禮加勺于尊皆南
枋○禮器云犧尊櫛杓明堂位云灌尊夏后氏龍勺殷
疏勺周蒲勺○周官梓人云勺一升爵一升觚三升獻
以爵而酬以觚一獻而三醻則一豆矣飲一豆酒中人
之食也注云觚當為觯豆當為斗○禮書云勺非斗也
勺挹於尊彝而注諸爵瓚斗挹於大器而注諸尊彝

台

箋云台之言鮀也大老則背有鮀文○釋詁云鮀背壽

也舍人注云老人氣衰皮膚消瘠背若鮀魚○吳都賦
云王鮒鯀鮀劉達注云鯀鮀狀如科斗大者長尺餘腹
下白背上青黑有黃文性有毒雖小獮及大魚不敢餽
之蒸煮肥美○本艸云鯀鯀魚肝毒殺人緣腹無膽頭
無頸故知害人鯀魚肝及子有大毒一名鳩夷魚以物
觸之即噴腹如氣毬亦名噴魚腹白背有赤道○日華
子云又名吹肚魚

按爾雅翼云鯀即今之河豚也段成式又作鮀又一

名鯀鮀所謂黃耆台背或謂為鯀鮀魚又謂之鷁夷
魚則與今之鰣魚相亂蓋鰣魚之鰣亦有題夷二音
故也若然則本艸之鯀鮀魚鰣魚河狃皆一物矣而
分載三處又云鰣魚肝子有大毒河狃無毒何也蓋
緣北人不食河狃故不能的指為何物耳廣志又云
鮀魚一名河狃陳藏器羅願亦云然本艸圖經獨以
為秦之鱠魚又未知與河狃為同為異吳中食河狃
以為常味惟忌肝入水沈者未聞毒皆殺人如本艸

所言也河狥皮有刺觸人手老人皮膚粗硬有似此
皮故謂之台背非如台之文也但河狥非西北所產
未知詩人何以得入詠或者台別一魚

背

釋名云背倍也在後稱也○明堂鍼灸人五藏之系
咸附於背

既醉篇

孝子

金匱正經全書

卷四十八

以下闡孝子壹共二條

六家詩名物疏卷四十八